

Nastavlja se saradnja sa najvećom IT kompanijom

### **APEIRON I MICROSOFT BIH POKREĆU NOVI STUDIJSKI PROGRAM**

Direktor Microsoft-a BiH Omar Krivošija i rektor Panevropskog univerziteta, akademik prof. dr Esad Jakupović potpisali su sporazum o saradnji 19. decembra.

- Cilj saradnje jeste otvaranje novog studijskog programa Inženjering informacionih tehnologija koji će pokrivati oblasti razvoja softvera, razvoja aplikacija, osnove sigurnosti, umrežavanja, baze podataka, univerzalnu Windows platformu, programiranje u HTML5 sa JavaScript i CSS3, HTML5 osnove za razvoj aplikacija, umrežavanje sa Windows serverom, Microsoft tehnologije za poslovnu konkurentnost i Microsoft projekte. Vježbe na novom studijskom programu će izvoditi Microsoft sertifikovani treneri (MCT) po zvaničnim Microsoft kursovima, rekao je Omar Krivošija, direktor jedne od najvećih IT kompanija u svijetu.

Studenti i nastavnici Panevropskog univerziteta moći će pristupati raznim kursovima, materijalima i alatima na Microsoft-ovom obrazovnom portalu. Imaće slobodan pristup i materijalima za učenje na daljinu i sadržajima platforme Microsoft Virtual Academy i Microsoft Imagine Academy.

Realizacijom sporazuma organizovaće se i razna nastavna predavanja eksperata Panevropskog univerziteta i Microsoft-a u oblasti novih informacionih tehnologija.

Microsoft je prije nekoliko godina pokrenuo Microsoft Skills Center, projekat besplatne IT edukacije i sticanja specijalističkih znanja namijenjen studentima i mladima koja nema posao, a koji je bio organizovan na tri Univerziteta u Bosni i Hercegovini. Ovo je do sada najveći Microsoftov projekat u BiH. Panevropski univerzitet „Apeiron“ predstavlja jedini i glavni Microsoft Skills Center na području Republike Srpske.

Banja Luka, 19.decembar 2017. godina

Služba za odnose sa javnošću